

BONERIANO®

EDITOR:
Bonaire Communication Services N.V.

Djasabra 19 novèmber 2022 | Preis: \$1.00

PROBLEMA DI KACHÓ TA SIGUI

Sebel Antoin a bishitá Parke Nacional
Manuel Antonio



Parke Nacional Manuel Antonio ta un di e parkenan nashonal di Costa Rica, e ta un di esnan mas konosí. E ta un área ku ta wòrdu protehá i ta keda na e kosta pasífiko di Costa Rica. Hopi turista ta bishitá e parke aki.

BLACK FRIDAY
SUPER SALE
VALID TILL THE END OF NOVEMBER
KAYA BONGO #8, NIKIBOKO ZUID
717 8707 / 796 8707

TILES FROM
\$9.99 m²
GARTISH #1 on the island!

Tin Giant
African Land
Snail na
Boneiru
PAG 02



CHANGAN AUTO

CS55

[f /dabboussimotors](#)

MANTENE BO
VEHIKULO OF
EKIPO DEN
KONDISHON
KU PIESANAN
KUMPRÁ NA NAPA

\$10 FREE SLOT PLAY

Sign up for your FREE Player's Card
and receive \$10 in FREE Slot Play!

Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available

xerox

**OBERSI
ELECTRONICS
BONAIRE**

Tin Giant African Land Snail na Boneiru


KRALENDIJK - Den bario di Republiek e siman akí siudananon a topa ku e Giant African Land Snail (*Lissachatina fulica*). Departamento di Salubridat Públiko ta konfirmá esaki. Ta promé biaha ku ofisialmente ta konfirmá presen-

sia di e kokolishi akí na Boneiru.

Originalmente e kokolishi akí ta prosedente di Wèst Afrika, pero pa hopi aña kaba e ta aparesé den region karibense tambe, manera na nos isla bisiña Kòrsou. E kokolishinan

akí por a drenta Boneiru na diferente manera, por ehèmpel ku un kargashon di mata òf tera pa mata.

E espesie di kokolishi akí tin ora por tin un parasit huntu kuné ku por hasi hende malu. Pa e motibu akí Salubridat Públiko ta kon-



sehá pa no mishi ku e kokolishi akí òf his'é ku man sin hanskun. Ora ku mishi ku e kokolishi por hiba e parasit, si e ta presente serka e kokolishi, via man na boka i di e manera akí e por hasi bo malu. P'esei den kaso di kontakto ku e kokolishi akí ta importante pa mesora laba mannan bon ku awa i habon.

Den naturalesa semper

bakteria, vírùs i parasit por keda transmití via bestia i mata riba hende. Esaki por sosodé via kuminda tambe. Pa e motibu akí semper ta importante pa promé ku prepará kuminda laba man, laba bèrdura i fruta bon, herebé òf hasa karni sufisientemente i no mishi ku bestia di mondi, inkluso kokolishi, ku man sin hanskun.

Skarsedat di santu fini

KRALENDIJK—Aktualmente tin un skarsedat di santu for di Kòrsou. Ta trata aki di e santu fini ku ta uza pa konstrukshon ku ta bini for di Kòrsou. BONERIANO a informá serka dos kompania lokal pa mira kiko ta e situashon.

Di kolaboradó di un di e kompanianan nos por a komprondé ku ta kuadra ku tin un skarsedat di e santu aki. “Nos ta importá santu for di entre otro Guyana, Colombia i Kòrsou. Serka e último aki, nos ta haña santu fini.” E kolaboradó a indiká ku na Kòrsou aktualmente no ta dispone di e santu aki. Outomátikamente no por importá esaki. Pa loke ta e otro kompania, esaki a duna di konosé

ku den su kaso e a opta pa importá santu for di Monserrat. Netamente pa e motibu ku na Kòrsou no tin.” Nos a skohe esaki mirando ku no ta muchu klá ki dia Kòrsou por suministrá e santu.”

BONERIANO a hiba kombersashon ku un kompania di konstrukshon pa mira

kon nan situashon ta. Nos por a komprondé ku a skohe pa hasi otro trabou ku no ta rekerí uzo di e santu. “Lógiko ta yega un punto ku trabou ta wanta debí ku mester di e santu. Pero nos tin’é bou di kontrol i te na e alturanan aki nos por sigui traha, miéntras nos ta warda”, e kolaboradó a splica.



BONAIRE INTERNATIONAL AIRPORT N.V.

VACATURE



BIA

Flamingo International Airport is de belangrijkste toegangspoort van Bonaire voor de inwoners, de economie en voor het toerisme. De organisatie Bonaire International Airport (BIA N.V.) is verantwoordelijk voor het beheer en de exploitatie van de luchthaven.

TECHNICIANS

Wij zijn op zoek naar drie Technicians voor onze afdeling Maintenance. Voor de afdeling zijn we op zoek naar drie Technicians met kennis en ervaring elk op hun eigen vakgebied: elektrotechniek & koeltechniek, werktuigbouw & loodgieterswerk, bouwkunde.

Als Technician zorg je voor de voorbereiding en uitvoeren van onderhouds- en storingswerkzaamheden aan technische installaties en infrastructuur op de luchthaven, zodanig dat deze optimaal en op een veilige en betrouwbare manier beschikbaar zijn en voldaan wordt aan geldende voorschriften en procedures volgens internationale en nationale wet- en regelgeving.

Reageer vóór 26 november, 2022

SCAN VOOR MEER INFO



www.bonaireinternationalairport.com

Tanten no tin kontròl

PROBLEMA DI KACHÓ TA SIGUI

KRALENDIJK — Manera ta konosí e problemátika di kachó ta keda un punto di diskushon riba nos isla. Miéntas un grupo ta kulpá e doño di, tin un otro partido ta mira esaki diferente. Nan ta di opinion ku tur kos ta sintá na e echo ku gobièrnu no ta kumpli ku e parti di kontròl. E grupo ta referí na kontròl di e lei ku un kachó mester ta será den su kurá di kas. Na momentu ku e ta pafó, e doño ta risibí un but. Resientemente BONERIANO a

relatá e kaso unda kachónan a mata kabritunan na SGB. Gobièrnu a tuma desishon di laga pone tur seis kachó envolví drumi. Riba e wèp-sait Bonaire.nu Stichting Dierenhulp Bonaire, a reakshoná basta fuerte riba e asunto. Stichting Dierenhulp Bonaire ta un fundashon ku ta sali na defensa di bestia.

Norbert Thadema di DogPartner Bonaire, tambe no ta aproba e manera kon a atendé ku e situashon. “Elvis Tjn Asjoe na bos

haltu ta menshoná ku e problemátika di kachó tin prioridat serka su partido. Loke e no ta menshoná ta ku Stichting Dierenhulp algun aña atras a ofresé di tra un ordenansa di lei nobo pa tur e islanan. Na luna di febrüari e fundashon a entregá e ordenansa di lei. Te ku awe nada di akshon”, Tadema ta indiká.

E ordenansa ku e fundashon a entregá su enfoke ta riba e problemátika di kachó. Un punto importante den e ordenansa ta e parti di

kontrol di e lei. Esaki ta nementemente segun Tadema loke no ta sosodé. “Na vários okashon mi a musta riba importansia di aktua kontra e problema di kachó. E ta enserá kontròl di un lei datá for di 1998. Segun e lei, ta prohibí pa doño di kachó laga e animal sin supervishon riba kaminda òf tereno públiko.

Den e 25 aña nan ku a pasa no a tene kontròl”. Tadema mas aleu ta musta riba e echo ku gobièrnu a anunsiá di lo a inisiá ku un

kampaña. Pa su sorpresa a resultá kua lanta un grupo di trabou. Segun Tadema ta trata aki di un grupo di sabionan. Den e grupo tin gabinete di gezaghèber, Toezicht en Handhaving, diputado Kroon i Thielman, polis i kolaboradornan di ministerio públiko.” Despues di 7 luna nan ta bini ku un poster kon pa kuida kachó”. Tantu e fundashon komo Tadema ta kompartí e mesun pensamentu, esta ku gobièrnu ta fayando.

Mentira históriko

Zwarte Piet ta Rasismo!

Miéntas ku te den kas di Shon Blanku m’a reklamá e echo ku ainda mester tin Pietnan Pretu pa sirbi e Hòmbu Blanku, den mi kas kaminda mi ta biba mes e Pietnan tur aña ta Pretu

Pretu.

Miéntas ku te den kas di Shon Blanku m’a kuestioná e echo ku ainda mester tin Pietnan Pretu pa hunga ròl di payaso den kaya, den e kas kaminda mi ta biba mes

e Pietnan ta Pretu Pretu i mas payaso ku den sirko.

Miéntas ku te den kas di Shon Blanku aya na Den Haag m’a protestá e echo ku e orígen dje Hòmbu Blanku ta un mentira históriko i ku

Awe 19 di novèmber

Dia internashonal di hende hòmbher

KRALENDIJK— Na 1955 a dekrétá e fecha di awe komo dia internashonal di hende hòmbher. Ta para ketu i rekonosé esfuerso i retonan ku e hende hòmbher ta hañ’e konfrontá kuné diariamente. E hende hòmbher no ta haña sufisiente atenshon pa e balornan ku e tin pa su famia, komunidad i mundu. P’esei un dia manera awe

ta di sumo importansia.

Inisiativa pa e fecha a bini na 1992 di Thomas Oaster na Sidney, Australia. Na 1999 Dr Jerome Teelucksingh a bolbe reinforsa e ideologia i importansia di e fecha. Meta di e dia ta pa trese konsientisashon riba modelonan hende hòmbher i e problematikanan ku tin di aber ku e hende hòmbher. Esaki ta varia for di prob-

lema di salú mental i físiko te na retonan di ta mayor, i kódigonan kultural di hende hòmbher. Tema di e aña aki ta hasi e diferensia pa e hòmbher i mucha hòmbher. Apesar ku e dia no tin tantu atenshon manera dia di hende muhé, ta importante pa keda duna balor i rekonosementu ku e sekso maskulino tin den un komunidad.



ta adultonan ku mester sa mihó, ta gaña muchanan inosente kada aña di nobo, den e Komunidad kaminda mi ta biba mes ta adultonan den Komishon San Nikolas, ta uni forsa ku un banko

ku ántes tabata nos amigu, huntu ku komersio, pa mantené e mentira históriko aki bibu i laga nos hóbennan sigui kombertí nos kayanan den un sirko nashonal...

-S.B. Marten

Patrimonio Kultural i Fiesta di Mucha

Papiando di Patrimonio Kultural i Fiesta di Mucha: leon, tiger, olifante i otro animalnan salbahe tin ku sali for di sirko, pasobra maltrato di bestia no ta kos di e tempu akí mas, pero e figura rasista Zwarte Piet si mester keda...

- S.B. Marten

Mayornan ku yu spesial tin

Nesesidat pa grupo di kombersá

KRALENDIJK-- Sentro Akseso riba djamars 15 di novèmber, a tene un enkuentro ku mayornan. E enkuentro tabata dirigí na mayornan ku tin yu(nan)

ku nesesisidat spesial. Meta di e enkuentro tabata pa dal e promé paso pa yega na un grupo di kombersashon pa mayornan ku tin yu ku nesesisidat spesial.

E grupo di kombersashon ta duna e mayornan oportunidat di kombersá i interkambiá idea ku otro. Tambe e parti di sostené otro komo mayor. Marie

ela Andrea ortopedagogo i Emily Kocks kordinadó di trabou, ta e dos personanan ku ta pará na kabes di e proyekto.

For di aña pasá, Sentro Akseso a bin ta dreia algun programa piloto pa muchanan ku nesesisidat spesial. Tin 5 akohida di mucha ku ta partisipá den e programa piloto. Di e sinku akohidananan, tres ta henter dia i 2 despues di skol.

Durante e enkuentro a hiba palabra Marie Craane

ku ta logopedista di funshon. Marie a duna e mayornan entre otro splikashon breve kon e selebre di un mucha outista ta funshoná. Mayornan por a interkambiá pensamentu i tambe hasi pregunta.

Na final di e anochi Sentro Akseso a konkluí ku mayornan tin e nesesisidat pa un grupo di kombersashon. Esaki despues ku unanimamente tur mayor a bai di akuerdo ku un siguiente seshon.



Zwarte Piet bai flit!!

Si e argumento ta ku Zwarte Piet ta un tradishon, un herensia kultural, ku pa e motibu ei mester keda eksistí, e ora ei dikon nos no ta mantené otro tradishonnan tambe na bida?

Dikon nos no ta mantené sklabilitut, deskriminashon rasial, desigualdat entre hòmbler i muhé? Dikon nos no a keda biba riba tereno di shon i traha paga tera, dikon nos no ta kore buriku mas? Dikon nos no ta mantené e tradishonnan akí tambe na bida? Ta nos herensia kultural nan tambe ta tòg? Òf tòg nò!? Òf nan no ta di e tempu akí?

No ta eksistí nada ku tempu no ta kambia anto meskos ku sklabilitut o deskriminashon pa motibu di sekso, no ta di e tempu akí, asina tambe e figura kolonial di e Black Face hulandes, esta Zwarte Piet, mester disparsé.

Zwarte Piet bai flit!!

S.B. Marten

NOS A TOPA



Nos a topa, Eric van der Brug, sekretario di estado di Hustisia i Siguridat. Ken ta prêt òf gusta hasi wega, ta e mener aki. E tabata na Boneiru pa apertura di ofisina di IND. Awèl mi ta sigur ku banda di su trabou, el a pone gezag i otronan hari poko basta. Mi a ofres'é pa nos saka potrèt i manera el a tende, el a tuma den. E tabata papiando ku un otro persona, el a pidi e hende sòri i warda un ratu, pa nos saka sèlfi: "Ja hoor, alles is mogelijk." Spera ora diputadonan bis'é kiko mas nos mester pa e menshoná e mes un frase. Hahaha. E ta parse un hende di tur hende. Si, ta un ratu ku mi a eksperensi'é.

èxtra
...number 1
DI NOS E TA

Van Huffelen ta bin mira molèster di awa

KRALENDIJK – Sekretario di Estado pa relashon di Reino, Alexandra van Huffelen, durante su bishita di trabou dia 25 di novèmber na Boneiru, ta bin pone su mes na altura di e daño ku yobida torensial a kousa.

Miembro di Tweede Kamer, Joba van de Berg di CDA, tabata ke den un debate di komishon anteri-

ormente e siman akí tende di e mandatario kiko ta bai hasi pa e hendenan ku a haña nan den problema ku awa durante e último dianan.

Van Huffelen: “Esaki mi no por bisa presis. Momentu ku mi ta na Boneiru otro siman, mi ta bai mira. Mi ta haña importante pa mira na e efektonan ku esaki a kousa den sentro di siudat. Mi

ta pensa ku ta bon tambe pa promé mi pone mi mes na altura pa mira kiko tin mester i kiko mester sosodé.”

Chogogo

E sekretario di estado a anunsiá tambe ku e lo bai tira bista na e bich di Chogogo: “Mi ta haña inkreibel pa mira ku un parti di e bich artifizial a bula bai laman. Aparte di esei tin



mas santu a bai laman, no solamente bichnan artifizial. Esaki ta demostrá kon importante ta pa nos bai traha riba adaptashon di klima. Sí awa kai, bo ke mantené e awa na un bon manera, pa asina bo por bolbe us’é. Ta hopi fèrfelu pa mira loke a sosodé na Chogogo. Mi ta haña hopi importante ku ta aktua. Esei Entidat Públiko Boneiru mes mester hasi.”

Riba petishon di Kolegio Ehekutivo a kuminsá un investigashon dor di inspeksion di ambiente di biba i transporte pa monitòr e ehekushon di otorgamentu di pèmit, supervishon i mantenshon di lei. E tipo di situashonnan asina no mester sosodé mas. Mester ta kla kiko presis e reglanan ta kaminda empresarionan mester mantené nan mes na dje. Sí nan no mantené nan mes na regla, mester aktua efektivamente. Esaki mester sosodé mas lihé posibel, segun e mandatario.

Van Huffelen: “Mi sa ku Kolegio Ehekutivo den e kaso di Chogogo ta trahando. Otro siman mi ta na Boneiru i mi tin planiá pa bai tira bista pa mira kon e situashon ta. Mi no ta haña korekto ku nos no ta skèrpi sufisiente pa aktua kontra violashon di e reglanan. Mantenshon di naturalesa no solamente for di e balor di naturalesa, pero sigur tambe pa e isla mes i ekonomia ta inkreiblemente importante.”

Sí un hende no kumpli ku regla, mester aktua. Si awor ta un partikular ku ta traha un kas òf un hende ku ta konstruí algu, nan mester mantené nan mes na regla. Sigur na Boneiru nos ta mira ku no ta aktua sufisiente riba regla. Bo ke pa e desaroyonan riba e isla ta conforme e deseo di e gobièrnu i den liña ku loke a palabrà. Si violá regla, mester ta kla ku esaki no por, segun van Huffelen.



Programanan di Bonaire.tv
TELBO kanal 70
Flamingo TV kanal 23

Djasabra 19 novèmber 2022

12.00 Herensia:	Stanley Brown
13.00 Dokumental:	30 Mei 1969 Gritu di Un Pueblo
14.30 Herensia:	Olinda Rasmijn
15.00 BAPA:	Timothy Vaseur
16.00 Herensia:	Jenny Rijna
17.00 Aki Curacao:	Anthony Constanica
18.00 Her. St. Maarten:	Jocelyn Arndell y George Violenus
19.00 BAPA:	Erich Arias
20.00 Aktualidat:	Norbert Tadema Politiko
21.00 Aki Boneiru:	Rein van Gastel
22.00 Herensia:	Cornelia Akkersdijk
23.00 BAPA:	Elvis i Sur Magda

Djadumingu 20 novèmber

12.00 Herensia Curaçao:	Clark Jansen
13.00 Aki Aruba:	Desiree C. Correa
14.00 Herensia Curaçao:	Angela Poulina
15.30 Puerto Latino:	Luis Zárraga
16.00 Herensia:	Stanley Brown
17.00 Dokumental:	30 Mei 1969 Gritu di Un Pueblo
18.30 Herensia:	Olinda Rasmijn
19.00 BAPA:	Timothy Vaseur
20.00 Herensia:	Jenny Rijna
21.00 Aki Curacao:	Anthony Constanica
22.00 Her. St. Maarten:	Jocelyn Arndell y George Violenus
23.00 BAPA:	Erich Arias

Tur mèrdia 12’or ta kuminsá un programashon nobo di 4 ora.
E programashon aki ta ripití pa 24:00.

Boneiru na konferensia internashonal tokante sushamentu di laman

KRALENDIJK – Carolyn Caporusso, konsehero di e programa di Karibe Hulandes pa Wereld Natuurfonds i kordinadó di ‘Clean Coast Bonaire’, a duna presentashon na e di shete International Marine Debrid Conference na Busan, Sur Korea, tokante e monitoreo di sushamentu

di laman karibense den e konteksto amplio.

Un publikashon di Bonaire.nu, skirbí pa Dick Drayer, ta amplia riba e presentashon di Caporusso: “E presentashon di Caporusso a keda tené komo parti di e seshon tékniko di e área karibense durante e konferensia. El a duna un bista

di e plannan di akshon pa monitoreo harmonisá di sushi marino ku el a skirbí pa ‘United Nations Caribbean Environment Programme’. E plan di akshon ta rekomendá pa usa un aserkamentu di monitoreo a base di e programa di limpiesa di kosta di Boneiru ehekutá na 2018 dor di Wereld Natuur Fonds.

riba sierto lokalidat selektá delantá.

Mapa di ruta

Caporusso a definí un strategia i a krea un mapa di ruta pa di manera akí akumulá informashon tokante sushi marino pa por usa pa minimalisá sushamentu riba un manera efisiente di kosto.

Ta usa e informashon akí tambe pa amplia konsientisashon i na mes momentu sòru ku e informashonnan ku akumulá den área karibense, keda sinkronisá riba informashonnan mundial sushi marino.

Komo ku sushi ta krusa frontera, tin mester di medida riba nivel lokal, nashonal regional i mundial, pa minimalisá e sushi akí. P’esei ta nesesario pa sa unda e sushi marino ta i esaki ta loke e sistema di monitoreo di Caporusso ta hasi.

Konferensia

E konferensia tabata

tambe oportunidat pa partidonan kompartí perspektiva tokante kon nan por sostené e tratado di plèstik nobo mundialmente. E miembro-nan di konseho di Nashonnan Uní aktualmente ta atendiendo ku esaki.

E konferensia a trese mas ku 900 partisipante huntu for di 89 pais, ku ta representá gobièrnunan internashonal i interesadonan den empresa, institushon di enseñansa, organisashonnan no-gubernamental. E konferensia a sirbi komo un plataforma mundial pa kompartí i papia kon por adaptá konosementu sientífiko mihó pa komprondé mihó e fuentenan di sushi marino.

Esaki mester bira un koperashon internashonal mihó pa yega na solushonnan efektivo i alkansá konsenso pa desaroyá maneho di gobièrnu pa manehá i minimalisá sushamentu di lama.



DIOS OMNIPOTENTE! EL SHADDAI

“Pasobra pa Dios nada lo no ta imposibel.”
Lukas 1:37 (BS)

El Shaddai ta un di e nòmbernan na hebreo ku kual Dios ta rebelá Su mes. E kier men: Dios Todopoderoso òf Dios Outosuficiente òf omnipotente. Loke ta nifiká: Esun Fuerte, ku tin tur poder, tur suficiente i ku ta alimentá.

‘Ta duna indikashon ku Dios tin tur poder i ku E ta nutri i alimentá nos. Esun ku ta sostené nos, fortalecé nos, protehá nos i alimentá nos. Dios ta Todopoderoso i no tin nada imposibel p’É.

Dios Todopoderoso, E ta nos Guerero Poderoso. E so por intervení kaminda tur forsa humano no por yega. Satanas nos gran enemigu kier pa nos focus riba e magnitud di e problema i nos impotensia. Pa asina lanta duda, desánimo, i miedu. Ma konfiansa den E Todopoderoso ta duna pas, seguridat i goso.

Kon brabu e leonnan den bo bida ta? Dios Todopoderoso, ta protehá bo i ta sera nan boka.

Kon kayente e kandela di problemanan ta? Dios Todopoderoso, ta primintí di ta huntu ku bo meimei di e kandela i E lo saka bo liber.

Kon fuerte e bientu di difikultat, ta supla den bo bida? Dios Todopoderoso, Esun fuerte, ta presentá i mesora ta ordená kalmu.

Dios Todopoderoso Esun fuerte, E sa di tur bo nesesidatnan, E mes ta kana huntu ku bo i E tin tur poder i outoridat pa intervení den bo situashon.

Lo bo no ke pone bo fe i konfiansa den E gran Dios aki? Stòp di laga e enemigu sembra simia di duda i inkredulidat.

Pone bo fe den e Dios Todopoderoso.

Miralda Paula-Frans

Produkshon PGM

Ocho mion

Ta susha oséanonan di mundu dor di sushi traha dor di hende. Estudionan ta demostrá ku anualmente mas òf ménos 8 mion tòn di plèstik ta resultá den laman. Esaki a parse di ta un efekto negativo riba ekonomia, piskeria, bida di laman, naturalesa, ekosistema i te asta salú públiko.

Ku e aserkamentu akí Boneiru ta hasi uso di embolbimentu di siudadanonan dor di monitoreá sushi den laman i na mes momentu sòru pa akumulashon di informashon kualitativo

Akshon rekoudá fondo pa akohida di buriku

KRALENDIJK – Un boluntario di e akohida di buriku na Boneiru a inisiá un akshon ‘GoFundMe’ pa duna e burikunan un akohida den un ambiente seku, kaminda por evitá un kantidat di problema. E parke tin molèster di yobida fuerte di último simannan.

“Di naturalesa buriku ta biba den paisnan kaminda ta kayente i seku. E suela hopi biá ta seku i duru. Na e momentu akí pues esaki

no ta e kaso na Boneiru, dor di hopi yobida tur kaminda ta yen yerba i muhá, prinsipalmente den e santuario,” Marion Jeurson kende tin ya mas ku 15 aña komo boluntario na Donkey Sanctuary, ta konta.

Nos santuario normalmente ta yena ku awa i nos burikunan ta sufri bou di esaki. E burikunan ta keda muhá. Buriku meskos ku kabai tin klirnan den nan kueru ku ta sòru

pa protekshon. Esakinan ta bira moli dor di tur e awa i fásilmente por haña herida. Prinsipalmente serka e yunan kaminda e kueru ainda no ta suficiente duru, segun Jeurson.

E deseo ta pa pone plachinan di betòn na un parti di e akohida. Dor di laga un buriku para riba un ambiente duru i seku, por evitá un kantidat grandi di problema.



Skirbi pa: Rudy Domacassé



Awor e ta den baño

Awor el a bai den baño. Ami ta wak e, e ta wak mi. Pa protekshon mi tin un basora den man, pero mi no sa si mi por konfia esei. Mi a habri porta di pafó p'e sali, pero pa e sali for di baño, e tin ku pasa banda di mi. Esei si no por. Ku basora òf sin basora. Mi a sali for di e kuartu un ratu, pa pensa e siguiente strategia. I hasi un orashon pa e sali di su mes. Mi ta bai wak un bes aki.



Bishita importante



Awe nos ku ta landa dilanti di Parke Tului tabatin bishita importante. Roly Bislik Bislik ta na Boneiru e dianan akí i ta bai landa pasa rònt di Klein Bonaire. Den pasado el a yega di landa di Venezuela pa Aruba. E ta un coach di landamentu i na Aruba tin un pisina ku su nòmber. El a bin tuma algu tep pa mehorá su landamentu i move den laman boneriano. Weegaaa. Su moveshon so den laman, tabata un inspirashon pa nos. Nos ta dese'é tur klase di éksito ku su aventura i hazaña rònt di Klein Boneiru.



MONCHI & TONCHI

Tonchi, mi no ta kompron-
dé kon nos pueblo a bira
asina alkoholista.

Awèl sí, siman pasá henter
Boneiru tabata bou di awa.



Un zonido duru

Esei a lanta mi for di soño. Un zonido duru. E ta zona den kas, no pafó. No riba dak. Pero kiko? Hende, animal feros, bishita? Mèrdia siendo na un video call ku Amanda, tambe mi a tende un zonido duru, dos biá, pafó, nort di kas. Tirando un bista pafó, mi no a mira nada. Den e kaso di awe nochi, mardugá, oloshi ta musta 10 minüt pasá di 2. Kiko mi hasi? Sali for di kamber bai wak? Kèns mi ta anto? Despues di basta ratu mi ta hasi esaki. Ku lus sendé tur kaminda. Nada straño den kas. Ta kiko awor? Mi ta bai purba drumi



No kombatí so, sino prevenshon tambe

Mi tin gana di lesa tambe por ehèmpel:
'A kuminsá ku kampaña anti droga na skol'.
'Guia alternativo pa usadónan di droga'.
'Kantante popular ku piesa riba uso di droga'.
Etc. etc. etc.
E lucha no mester tuma lugá ku kombatimentu so, sino ku prevenshon tambe.
Segun mi, ta tuma lugá muchu poko riba e tereno akí.

Kantidat grandi droga interseptá

KOLOFÓN

Editor Bonaire
Communication
Services N.V.
Kaya Irlanda 12,
Tel. 717-8482

E-mail:

extrabon@gmail.com

Wèpsait:

www.extraboneiru.com

Facebook: Extra Boneiru

Direktor
Shirley Martis
785-3824
796-3824

Hefe di redakshon
Nathaly
Evertsz-Ipcendencia

Redakshon
Papi Antoin
Davienuska Janga
Velli Gijsbertha
Edson Pietersz
Ibi Piar (deporte)

Partner na Aruba
Awe Mainta

Partner na Kòrsou
Extra

Layout
Davienuska Janga
Maya Beaumont

Konsehero:
Bòl Antoin
786-6818
Aviso
avisobon@gmail.com

Pòmp awa sushi for tanki di yate

KRALENDIJK – Ta enkurashá doñonan di yate na Boneiru pa laga Harbour Village Marina

pòmp hasi nan tanki di awa sushi bashí. Esei por sosodé tanten grátis, pa-sobra gobièrnu ke stimulá

doñonan di yate pa deshasí na un manera korekto di nan awa sushi.

Pòmpmentu di e awa

sushi ta kontribuí na redusí problemanan di riba tera i bou di awa ku ta forma un menasa pa e refnan i pa salubridat públiko.

Na sèptèmber Harbour Village Marina a anunsiá ku for di òktober doñonan di yate mester paga un kompensashon di 10 dòler pa biá pa pòmp saka nan awa sushi. Pero Fondo Mundial di Naturalesa ta tuma e gastunan ei temporalmente na su enkargo i ta paga STINAPA, ku tin un kombenio di trabou ku Harbour Village Marina. Doñonan di yate ku a paga delantá pa e servisio akí, ta haña nan sèn bèk di STINAPA.

Ta un reto pa gobièrnu pa buska e solushon mas adekuá pa trata e awa sushi di yatenan. Ta spula tualètnan riba yate ku

awa di laman. Ta p'esei e awa sushi ta hopi salu i por influensia e kalidat di e proseso di purifikashon.

Harbour Village Marina a invertí aña pasá den dos instalashon di pòmp i un tanki intermedio di 20 meter kúbiko, ku por akapará e awa sushi di e yatenan. Pronto WEB lo instalá un di tres instalashon di pòmp ku mekanismo dosifiká.

Ku ayudo di e tanki intermedio, por guia e awa sushi salu ku a kolektá hiba tiki tiki via e sistema di drenahe aspirá pa e purifikashon di awa di riol sentral. WEB lo monitòr na tur momentu e proseso di kolektá e awa sushi pa garantisá e proseso di purifikashon biológiko na e instalashon di purifikashon di drenahe.



Konsientisashon pa produsí propio kuminda

KRALENDIJK – Onie Emerenciana tabata di bishita djaweps mainta na Kolegio Kristu Bon Wardador pa konta kuenta pa e muchanan na okashon di siman di buki pa mucha. Durante su presentashon, el a enfatisá ku na Boneiru nos mester ta mas konsiente pa bai produzi nos mes kuminda.

Emerenciana a konta na LVV ta planta masha

berdura, dagoblad, pinda, sèlder warmus, papaya, berehein, pika, kònkòmber chikí, bonchi kunuku, yambo, bakoba, spinazi i ta bende esakinan.

Tambe riba tereno di LVV tin vários otro proyekto ku ta kanando, asina nan ta planta yerba i ku mashinan sofisticá ta traha bala di yerba pa kuminda pa kabritu i karné.

Otro proyekto ta Bo-

naire Daiily Fresh. Esaki ta un empresa ku ta planta sigun e método di aquaponics, nan ta kria piská den tankinan, piská tipo tilapia ku ta un piská di awa dushi. E awa di e piskánan ta yena den bakinan i den e bakinan akí ta planta diferente sorto di salada i yerba, por ehèmpel rikla, kolo chines, sèlder, warmus spinazi i tambe menta, yerba di holer i hopi mas.



Yomar Schoonmaakbedrijf

ta buska

1 Schoonmaak

Pa mas inf. tel.

785-1710/700-3507

Dediká na su tanta

Deaxo ta kla pa landa di Boneiru pa Kòrsou

KRALENDIJK – Tur kos ta kla pa duna inisio na Crossing for Prevention, prinsipalmente e estado mental i físiko di Deaxo Croes. E ta landa awe djasabra 19 di novèmber di Boneiru pa Kòrsou, den un hazaña ku e meta di rekoudá fondo pa e fundashonnan ku ta traha riba prevenshon di kanser.

Miéntas ku e akshon akí ta dediká na tur esnan ku kanser a kobra nan bida, esnan luchando na e momento akí i e sobrevivientenan, den un buélta di destino, el a kaba di bira mas personal ainda pa Deaxo. Algun dia atras, su tanta Mayrin a kaba di haña diagnóstiko di kanser. Tras e notisia, inmediatamente Deaxo a kue ainda mas kurashi i determinashon i a bisa ku ta dediká e hazaña di Crossing for Prevention na su tanta. Adishonal-

mente, Deaxo a kontinuá durante e último simannan akí entrenando fuertemente tur dia i durante gran parti di dia, guiá pa e konseho profeshonal di su ekipo ku ta inklui dòkter i nutrishonista.

Mentalmente tambe Deaxo ta sintié kla pa konfrontá e reto akí i ta den un estado masha positivo, gradisiendo un i tur pa e sosten i reakshonnan positivo ku e ta risibí di asina tantu hende.

Pa loke ta trata logístika, tur kos ta na su lugá tambe, unda e henter e tim a sali djáron 16 di novèmber di Aruba rumbo Boneiru kaminda Deaxo a papia ku prensa pa yuda hiba e mensahe di importansia pa aportá na e kousa. Vários ta e yatanan ku a sali for di Aruba ku kayak, landadó, personal médiko i tambe di produkshon oudiovisual, pa kapta tur detaye

di e gran reto. E ekipo ta kontentu di por konfirmá ku, apesar di e yobida di último dianan, tur kos ta indiká ku lo konta ku un bon situashon di tempu pa awe.

Loke ta sumamente importante pa enbèdat Crossing for Prevention bira un éksito absoluto, ta pa pueblonan di Aruba, Boneiru i Kòrsou, aportá ku nan kontribushon monetario. Manera ta konosí, esei ta posibel kaba atraves di e página web www.crossingforprevention.com, komo tambe atraves di e kuenta di banko individual di e fundashonnan CORESA di Aruba, Stichting Kanker Fonds di Boneiru i Fundashon Prevenshon di Kòrsou. Tur informashon nesario ta disponibel ei nan, komo tambe riba e kuenta di Facebook Crossing for Prevention. Tur dia tin mas hende



sufriendo dor di kanser, ta imperativo pa nos tur kontribuí na aliviá nan sufrimentu i konsientisá riba prevenshon. Danki partikular ta bai pa e patrosinador prinsipal, esta Aruba Bank, Orco Bank i Gomez Coffie, komo tam-

be partnernan Cas Bon, HBN Law & Tax, Kooyman, ASD, SunBum, Alimentá, BITE! Communications, CR38TE, ELITE Productions, FOCAL Media, ZEN Designs i Verbum Works.



Promé dia na Manuel Antonio

S
A



Nos promé dia na Manuel Antonio a kuminsá hopi trankil, pero trempa. Mihó bisá, trempa pa fakansi, normalmente ora mi ta ku fakansi mi no gusta tanta trempa.

Nos a kuminsá e dia 9'or di mainta, e dia promé nos a disidí ku nos ta bai hasi rekorido ku un guia privé na Parke Nacional Manuel Antonio.

Esaki ta un di e hopi otro parkenan Nacional di Costa Rica, e ta un di esnan mas konosí. E ta un área ku ta wòrdu protehá i ta keda na e kosta Pacifico di Costa Rica. Hopi turista ta bishitá e parke aki, pasobra bo por wak espesie nan di animal ku bo no tin kustumber di wak.

E bestianan aki ta biba den nan mes mundu den e parke, e manera ku e parke ta konstruí ta pone ku por aserká nan fásilmente.

Naturalesa i bestianan

Nos a kaba di desayuná na Igloo Beach House, kaminda nos a keda i tabata kla pa kuminsá nos dia. Nos a skohe pa bai ku un guia ku por splika nos tokante naturalesa i bestianan. Mi no por a kòrdá e mener su nòmber, pero el a kòrdá mi hopi riba mi tata Bòi. E trabou ku e mener aki ta hasi ta hopi paresido na esun di mi tata, e tabata tin kontesta riba tur pregunta ku a wòrdu hasi. E mener tabatin un mikroskop ku por a wak tur kos mas serka i mas grandi. Sigur tabata hopi interesante, nunca mi a hasi esei. Mi a bisa mi tata p'e tambe kumpra un mikroskop ya nos por uza esaki na momentu ku nos bai kana den e mondinan di Boneiru. E parke mes tabata hopi grandi, ounke nos no a kana e parke kompletu, a dura nos mas o ménos dos pa tres ora. Nos a mira hopi bestia, bestianan ku nunca mi a wak personal.

Makaku

Loke a sorprendé mi mas ta e makakunan, nan tabata kolo blanku ku pretu. Den e parke aki tin un kafeteria i na momentu ku e hendenan ta komiendo e makakunan ta aserka e hendenan, mi a asta tende ku tin bes nan ta kue kuminda di e hendenan bai kuné. Esaki por ta peligroso pa e makakunan mes, pasobra nan no por kome tur kos. Pa e motibu aki, seguridat ta kontrolá si personanan ku ta bishitá e parke ta dreña ku kos di kome. Ántes si tabata por a dreña ku kos di kome, pero pa algun aña kaba a prohibí esaki.

Un di e bestia nan ku mi a gusta asina tantu i a namorá di dje ta esun ku yama Sloth, esaki tambe ta un sorto di makaku i nan ta konosí ku nan ta slou. Nan kara ta chikí primi riba otro, nan ta drumi mayoria parti di nan dia den palu, na lugá di drumi ku barika riba palu, nan ta kolega. Mi a wak nan diferente bia durante mi fakansi na Costa Rica, e bia aki den parke, pero tin bia tambe na lugánan públiko. Despues di rekorido den parke, nos a tuma despedida di e persona ku a guia nos.

Despues nos a yega e laman, Manuel Antonio. E 'tour' mes a kaba hopi abrupto, den esei nos tabata un tiki desapuntá, pasobra nos a paga e mr. pa un 'tour' kompletu, pero na mitar di e 'tour' e mener a bisa nos ku su trabou a kaba. Sí nos tabata na altura, nos lo a skohe un otro persona pa guia nos. Nos a haña bon splikashon sí i a siña hopi, solamente e 'tour' tabata kòrtiku.

Playa Manuel Antonio

E playa na Manuel Antonio tabata hopi bunita, e ta hopi otro sí for di lamanan na Kòrsou òf den paisnan di Caribe. Loke ta prèt ta, ku na Kòrsou mes òf na Boneiru mi no sa bai laman. No ku mi no gusta, pero mi no gusta e sintimentu di santu i solo riba mi henter dia. Si mi bai laman ta pasobra mi tin hopi gana òf loke mi sa hasi mayoria bia ta bai i keda sinta den kantu ku mi kos di bebe i kome. Tin bes asta sinta lesa un buki, pero dreña den awa pa landa, no fásil.

Mi no a pensa ku nunca lo mi dreña un laman ku no ta blou, mi no ta



gaña mi a keda pensa si mi drenta òf no. E laman tabata asina bunita, aunke e no ta blou limpi. E no ta maron manera laman-nan di Hulanda, pero e no ta transparente tampoko. Mi no por a

wak kiko tabatin abou.

Finalmente mi a disidí di drenta e laman pasífiko, pa promé bia. Tabata sigur un sintimentu hopi dushi, mi so tabata den e laman. Mi mama a disidí ku e no ta bai drenta awa, e no ta masha amante di esei. El a sinta warda mi na kantu i a keda disfrutá di e playa. E dia aki tambe e klima tabata hopi bon. Esaki tabata un di e dia nan ku mihó klima di henter e fakansi. Kasi anto, pasobra pa parti atardi tur dia na Manuel Antonio awa tabata kuminsá kai masha duru mes.

Despues di a landa un ratu mi a sali i ami ku mi mama a bai hotèl bek. E playa mes ta keda den e parke Nacional Manuel Antonio, pues ainda nos tabata den e parke. Nos guia a bisa nos ku nos por kana trankil den e parke, stret na kosta i nos lo por yega hotèl bèk.

Riba e kaminda pa bai hotèl, tambe nos a wak hopi bestia, e kaminda aki tabata e otro banda di e parke ku nos no a kana ainda. Loke nos no tabata sa, ku nos mester a kana 1 ora largu pa sali for di e parke, tabata manera ku ta ehersisio nos tabata hasi, ami ku mi paña tur muhá, pero miéntas ku nos tabata kana mi pañanan a seka sí. Nos a kumpra un koko i a disidí di sigui kana na pia mes pa bai hotèl.

Ora nos a yega, ainda e klima tabata hopi bon i mi a disidí di drenta e pisina na Igloo Beach Logde. Na e momentu ei tabata ami so, mi tabata trankil i reflehá riba e dia nan anterior i trankilisá mi mente. Tabata algun simannan basta intensivo ku mi tabata trahando riba mi 'scriptie' i trabou.



Mi gusta ta rondó di hende i personanan ku mi stima, pero loke mi gusta tin bia ta pa ta mi so. Den e momentu nan ei mi ta haña hopi mas energia. Mi ta konsiderá mi mes un persona 'introvert', pues un persona ku no sa sosialisá masha. Tin bia mi por ta 'extrovert' tambe, i ta sosialisá mas tantu. Ora ta nesario i ora mi ta ku un persona serkano.

Restorant krioyo

Despues di dos ora ku nos a sosegá, nos a drecha i sali bai kome na un restorant krioyo. Ami ku mi mama tur dos tabatin gana di kome piska. E distansia pa yega e restorant ta hopi kòrtiku, tur kaminda bo por bai na pia mes. Nos a kana bai kaminda tabatin e restorantnan, en buska di piska.

Tabatin un mener ku ta hasi promoshon pa un di e restorantnan i el a konvensé nos pa bai kome na su restorant. E piska tabata hopi bon, nos a disidí di partié, pasobra e piska tabata hopi grandi. Kasi e no a pas den e tayo, pero sigur nos tabata satisfecho. Ora nos tabata kabando di kome, awa a kuminsá kai masha duru mes. Nos a warda awa pasa promé ku nos por a kana bai nos hotèl bek, kaminda restu di dia nos lo a sosegá.

Ora nos a yega bek hotèl, nos a keda den kamer i traha plan pa siguiente dianan. Anochi, manera tur e dianan na Manuel Antonio, awa a kuminsá kai masha duru mes. E dia aki tambe tabata un dia hopi dushi i trankil den naturalesa, un di mi kosnan favorito.



Tara21Foundation ta hasi donashon

KRALENDIJK – Resientemente Kas di Kuido, Kunuku Kavelvers, Asilo di Bestia i Donkey Sanctuary, a risibí donashon den forma di plaka, medionan di yudansa i produktonan di yudansa di Tara21Foundation.

Aña pasá famia i amigunan di Tara, a lanta e fundashon. Tur hende na Boneiru mester por kòrda e aksidente di tráfiiko fatal 25 di desèmber 2021. E mainta ei Tara tabata na kaminda pa su trabou komo enfermera den kuido di grandi na Kas di Kuido. El a kaba di hasi 21 aña.

Djis despues di su morto, su famia a lanta GoFundMe pa komo famia duna un kontribushon na e kuido di grandi na Boneiru i pa esaki kontinuá ku e tra-

bou ku Tara tabata hasi ku amor.

“Su morto no por ta pa nada,” su amigu Mees i mayornan ta bisa den kombersashon ku Bonaire.nu. Diferente medio di yudansa e siman ku a pasa a yega pa Kas di Kuido i durante un enkuentro djáron 9 di novèmber a risibí esakinan ku hopi apresio. Tantu habitantenan komo e personal, tin un sitio kayente den nan kurason momentu ku nan pensa riba Tara, e angel di Kas di Kuido.

Tara tabata gusta hende, pero sigur tambe bestia. Tantu Fundashon Kunuku Kavelvers, Asilo di Bestia i Donkey Sanctuary, tur por a risibí un bunita donashon.

Amigu Mee, famia i amigunan, ta spera ku donashon por sigui drenta

serka e instansianan akí, tamente mas yudansa na ku realmente tin nesesidat pa asina por ofresé direk- hende i bestia na Boneiru di esaki.



Ultimo siman pa bolbe pasa angua kontra corona sin sita



21 di novèmber te ku 26 di novèmber 2022

Tur persona di 12 aña bai riba

Klup chines

Djaluna 21 di novèmber 09:00 – 12:00 or
Djammers 22 di novèmber 09:00 – 12:00 or

Cocari, Rincon

Djaweps 24 di novèmber 09:00 – 12:00 or

SGB, Kaya Frater Odulfinus

Djasabra 26 di novèmber 09:00 – 16:00 or

Bo ke pasa angua den un espasio apart?
Bisa esei mesora ku bo drenta.



www.bonairegov.com

0800 0800 (grátis)

Esaki ta un mensahe di e departamento di Salubridat Públiko

Dikon un saserdote mester obedesé su obispu?

Promé parti
Henry Vargas Holguín

Pasobra mester tin komun-ion, fidelidat i un biahe komun den Iglesia, pero esaki mester sosodé ku kriterio i responsabilidat

Nos tur mester obedesé, pero saserdotenan kisas mas. Dikon? Pasobra **saserdotenan ta esnan promé ku mester imitá Hesukristu pober, kasto i obediente**, atraves di konsehonan evangéliko di pobresa, kastidat i obedensia; entre otro, pasobra e

saserdote ta *alter Christus* òf otro Kristu.

E saserdote sekular (a diferensia di e klero regular) no ta hasi **voto** di pobresa, e ta hasi un **promesa** di obedensia; pero, **kon ku bo yam'é, obedensia ta di vital importancia pa Iglesia**.

Bo por imaginá un saserdosio òf un saserdote di hopi manera, maneranan lícitas di biba i ordená e ministerio saserdotal hurídkamente; pero loke

bo no por imaginá ta un saserdosio òf un saserdote sin obedensia.

Den interior di Iglesia **tin forsanan ku sin duda riba nan mes ta positivo pero ta laga bo pa bo kuenta, sin ningun faktor pa gui'é òf moder'é, finalmente lo bira kousa di destrukshon**.

Obedensia pues no ta un posibilidat, òf algu aksesorio òf opshonal sino un gran nesidat no únikamente pa



Kor Los Carmelitas Selebrando 35 aña di eksistensia, dunando alabansa i gloria na Señor na tur parokia di nos diósesis

Tambe Rev. Ricardo Tejada a selebrá su 45 aña di saserdosio



Djadumingu 6 di novèmber último, na Parokia La Birgen del Carmen na Groot Kwartier, Rev. Ricardo Tejada - kende ta remplasando Rev. Oscar Cuellar Renteria durante su peregrinashon na Medjugorje — a duna un bendishon speshal na Kor Los Carmelitas.

Kor Los Carmelitas ta komemorá nan di 35 aña di eksistensia. Durante 35 aña largu Kor Los Carmelitas a duna alabansa i Gloria na Señor den kada Parokia di nos Diósesis

aki na Kòrsou, ku hopi zelo i amor pa Dios.

Pastor Ricardo a kuminsá su predikashi di djadumingu yamando pabien na tur miembro di Kor Los Carmelitas, un kor ku Pastor Ricardo mes te kòrda for di tempu e tabata pastor na Parokia di Groot Kwartier. Na final di Santa Eukaristia miembronan di Kor Los Carmelitas a selebrá ku un



bunita i dushi bolo i un brándis. Un pabien na tur Carmelitas ku nan 35 aña di eksistensia. Nos ta spera di sigui mira boso pa hopi aña mas den nos

parokianan alabando Señor. I manera Pastor Ricardo mes a bisa den su predikashi: Keda firme, i perseverá te asta na morto!

kuestionnan organisativo òf di koordinashon (motibunashon mashá normal den kualke organisashon humano) sino pasobra **mester tin komun-ion, fidelidat i un biahe komun ku bista riba Dios i konstruyendo su reino**.

Sin obedensia, Iglesia lo a ser bulá den mil pida dor di forsanan ku lo dal den otro (sin ku nan tabata malu) for di paden.

Kualkier virtud por ser hibá mas ayá di loke ta korekto; por presentá kualkier balor di forma robes ku bon intenshon, pues kada un ta kere ku e ta sigur di tin tur rason (kada un ta sigur di ku ta e otro ta esun ku ta robes), di aki e importansia di outoridat i obedensia.

Pero klaro, **mester sa na komprondé obedensia i hasié, pues nunka e ta apso-luto**; ke men e no por ta ariba di e testimonio balente di e bèrdat i na obedensia pa Dios den fe: *“Pedro i e otro apòstelnan a kontestá: ‘Hende mester obedesé Dios mas ku otro hende!’”* (Ech 5,29).

Mester obedesé ku kriterio i ku responsabilidad: Ku kriterio pues Kristu mes, ku a instituí obedensia den Iglesia, tabata sa ku **duna outoridat no semper a impliká uso korekto di esaki**.

Ke men ta eksistí e posibilidat (maske mashá chikí) di ku esun ku ta manda no ta hasié siguiendo e boluntat di Dios.

I obedesé ku responsabilidad pues si algun akshon ta frakasá no ta pa dirèktris di e outoridat sino pa inkompetensia di esun ku ta obedesé.

Responsabilidad ta enserá otro akitutnan manera: diligensia, alegria, ko responsabilidad i aplikashon di karisma i akitutnan.

No mester lubidá ku saserdotenan mester ta kolaboradornan di e bèrdat. Un kos ta kla: **virtut di obedensia ta bolun-**

tat di Kristu; es mas, Hesus a bira obediente na tata i a obedesé te na morto.

E, Saserdote pa antónomasia, a siña nos e sagrada virtud akí, pues **obedensia ta hasi tur kos pa amor. Pa amor no na e superior, sino na Dios**.

E ta un virtud mashá necesario i, tambe mashá difisil pa hasi pues **ta trata di someté e propio huisio, ta trata di ser humilde**.

Papa Francisco a reordá e saserdotenan **riba e nesidat di e «rumannan» pobresa, fidelidat i obedensia pa konservá e «alegria saserdotal»**, durante e predikashi di e misa Krismal dia 17 di aprel 2014, den Basilika di San Pedro.

Den kua momento e saserdote ta primintí obedensia?

Den e ordenashon saserdotal e obispu ta puntra esun ordenando: «Bo ta primintí na ami i na mi susesornan reverensia (òf rèspèt) i obedensia?»». I esun ku ta ser ordená ta kontestá: “Mi ta primintí”.

E diákono ku lo ser ordená saserdote ta primintí obedensia djis algun instante promé ku e rito di e ordenashon saserdotal propiamente dicho, ke men, **promé “ku e rito esensial di e sakramento di Órden, ku ta konstituí, pa e tres rangonan, dor di ponementu di man di parti di e obispu riba kabes di esun ku ta ser ordená, pidiendo Dios, den orashon spesífiko di konsagrashon di e obispu, pa dramamentu di Spiritu Santu i su donnan propio riba e ministerio, pa kua ta ordená e kandidato (cf Pío XII, Const. ap. *Sacramentum Ordinis*, DS 3858)” (Katisashi di Iglesia Katólíko, 1573).**

Ta sigui otro siman



HULANDA

Ladronisia di pakus a subi

HULANDA – Polis tin man yen di ladronisia di pakus. E servisionan di ayudo luna pasá a registrá e kantidat mas haltu di ladronisia di pakus den nuebe aña di tempu. Esaki a sali na kla for di sifranan di polis mes. Un deklarashon pa e oumento polis no tin. Sí e oumento ta bini dor di disponibilitat di denun- sia haltu di negoshante-

nan, òf komo ku tin men- shon di mas ladronisia dor di por ehèmpel e krísis ekonómiko, no ta kla.

Na òktober polis a reg- istrá 3909 ladronisia di pa- kus, 400 asina mas tantu ku e luna anterior. E kantidat registrá e aña akí na yanüari tabata mas abou, momentu ku polis a mira 2521 kaso. Por ta trata akí di denun- sia, pero tambe di kasonan

di ladronisia ku polis mes a stipulá via di e sistema. Mayoria di denuncia regis- trá a keda hasi dor di polis Oost-Nederland (666). Mas abou dor di polis na Zee- land-West Brabant (271).

E último biá ku den un luna di tempu a registrá mas ladronisia tabata na òktober 2013. E tempu ei a drenta 3912 notifikashon serka polis.

INretail, e organisashon di negoshi pa entre otro tiendanan di moda, sapatu i deporte, ainda no a risibí señal ku negoshantenan ta eksperensia mas ladronisia den nan pakusnan. E orga- nisashon mes a laga repre- sentantenan kore rònt den e pais pa buska eksperensia, un bosero a laga sa.

Organisashon di super- market, CBL, tampoko

ainda no a risibí señal ku supermarketnan e último tempu tin mas molèster di ladronisia di pakus. Se- gun un bosero, ta trein tra- hadónan di supermarket pa rekonosé situashonnan remarkabel i hende. Natu- ralmente por ta asina ku un kantidat di ladronisia di pakus ta fluktua, pero lástimamente ta algu di tur tempu, segun e bosero.

Gobièrnu ta stòp ku Facebook sí no adaptá su mes

HULANDA -- Gobièr- nu ta stòp ku Facebook ku e media sosial sí no atendé mihó ku informashonnan personal sentimental. Es- aki Sekretario di Estado di digitalisashon, Alexandra van Huffelen, ta laga sa. E empresa ku a informá to- kante e maneho di privasi- dat di Facebook, ta bisa ku e chèns ta chikitu ku Face- book por bai kumpli na tur kondishon. E ta pues proba- bel ku finalmente gobièrnu ta hala atras di e media so- sial.

E sekretario di estado ta pensa ku no ta protehá e informashonnan di usuario- nan di Facebook sufisiente- mente. No ta kla kon nan ta elaborá data i unda nan ta resultá. P'esei ta eksistí por ehèmpel e risiko ku infor-

mashonnan personal senti- mental ta resultá serka ser- visio di siguridat di Estádus Unídos di Merka, kaminda e kompania madre Meta di e netwerk sosial ta esta- blesé. Gabinete no ke para responsabel pa e risikonan ku hulandesnan ta kore momentu ku nan bishitá páginanan di gobièrnu riba Facebook.

P'esei van Huffelen ta pidi e media sosial pa tuma un lista largu di medida. Un di nan ta pa no warda in- formashon di bishitantenan hulandes di Facebook di gobièrnu na Estádus Uní- dos di Merka. Tampoko nan no por warda e infor- mashonnan akí mas ku un siman. Pa esaki, e sekre- tario di estado a bisa di a bai den kombersashon ku

Meta. Sí realmente lo tuma tur e medidanan akí, segun esnan ku a skirbi e rapòrt tokante esaki, ta improba- bel. Si akaso no kita e risiko sufisiente no tin otro posi- bilitat ku di stòp ku uso di

páginanan di gobièrnu riba Facebook.

Stòp ku Facebook tin desbentaha grandi, van Huffelen ta atmití. E me- dia sosial hopi usá akí ta un kanal importante pa

gobièrnu komuniká ku su siudadanonan. P'esei e ta bai investigá kon grandi e konsekuensianan ta sí gobièrnu no bai hasi uso mas di Facebook i sí tin otro alternativa.



Dòkternan hopi biá menasá i humiá

HULANDA – Mas di un riba tres dòkter ta keda menasá òf intimidá, esaki a sali na kla for di un inves- tigashon di e federashon di dòkter KNMG. A papia ku 562 dòkter for di dife- rente grupo di funshon. E mayoria tabata menasá ver-

balmente, pero 27% di e dòkternan tin tambe di aber ku agreshon físiko. Menasa on-line tambe ta bini dilanti regularmente. Di esnan en- trevistá, 11% tabatin un òf mas biá di aber ku menasa di morto. Esaki ta prinsi- palmente di pashèntnan i

nan famia ku ta ekspresá menasa. Segun presi- dente di KNMG, René Hé- man, e kantidat di menasa tabata mas abou durante e pandemia di Corona, pero algun mas haltu ku promé ku 2020.

“Den e periodo di Co-

rona nos ta mira un ou- mento den sifra, pero nos ta mira ku desde e tempu ei menasa ta kontinuá i no por par’è mas. Esaki nos ta mira tambe den komunidat. A para bira normal ku hen- denan ta menasá i intimidá otro via media sosial,” Hé- man a bisa den NOS Radio 1 Journaal.

Denunsia

Hopi dòkter ta tuma me- nasa i intimidashon normal pasobra e ta parti di nan trabou. P'esei tampoko ka- samente nan no ta hasi de-

nunsia. Pero sí mitar di e dòkternan tin problema ku esaki, nan tin mas strès i ménos plaser di trabou.

“Práktika ta siñá bo komo dòkter pa tin biá bo mester duna pashèntnan in- formashon no agradabel i esaki por kondusí na reak- shonnan agresivo. E ora ei komo dòkter naturalmente te sierto altura bo tin kom- prenshon pe. Pero situa- shonnan no mester kondusí na agresividat,” segun Hé- man, kende ta urgi pa mas dòkter hasi denunsia.



STATIA/SABA/ST. MAARTEN

Web-site SabaLovin pa hubentut

SABA – Dia 14 di febrüari 2023, Dia di Van Valentino, lo lansa e web-site SabaLovin. Riba e web-site akí hubentut por haña kontesta riba nan pregunta tokante salú seksual i bienestar. E ta normalisá e tópiko, krea i habri kombersashon riba salú seksual na Saba i ta hasi edukashon seksual aksesibel pa e hubentut lokal relevante.

E web-site ta desaroyá pa Departamento di Salubridat Públiko, huntu ku Soa Aids Nederland - Aids Fonds, i lo ofresé informashon tokante amor i relashon, bienestar emoshonal, ta bo mes, kontrasepshon, STI i sa bo límite.

SabaLovin ta ofresé oportunidat na hubentut pa hasi deseo, plaser i eskoho di sèks seif. E ta e promé web-site di salú seksual pa

hubentut di entre 12 pa 25 aña na Karibe Hulandes.

SabaLovin lo inspirá riba Sense.info, un web-site di guía hulandes pa hubentut na Hulanda, pero e ta trahá spesialmente pa nesesidat di hubentut di Saba.

Marieke van den Borne i Hanneke Roosjen di Soa Aids Nederland – Aidsfonds, resientemente tabata na Saba pa traha huntu ku e tim lokal di e departamento di salubridat públiko riba e desaroyo di SabaLovin.

Marieke i Hanneke a proveé aporte tékniko den desaroyo di SabaLovin, siguiendo paso a paso e aserkamentu i kompartí nan eksperensia intensivo den desaroyo on-line di e contenido.

E tim a topa ku studiantenan pa haña nan entrada riba e diferente temanan

meskos tambe ku nan mayornan i otro partnernan.

Fondo pa e desaroyo di e

web-site i bishita di van den Borne i Roosjen na Saba, tabata proveé pa e mini-

sterio di salubridat públiko, bienestar i deporte, VWS.



E ekipo di SabaLovin.

Delegashon legalisashon trato igual a bishitá Saba

SABA – Un delegashon di tres miembro apuntá dor di Ministerio Interior i Relashon di Reino, BZK, pa evaluá a posibilidat pa introdukshon di e legalisashon di trato igual na Karibe Hulandes, a bishitá Saba siman pasá pa papia ku outoridatnan i partnernan.

E delegashon, ku na kabes èks gezaghebber di Boneiru, Glenn Thodé, a papia ku Kolegio Ehekutivo, Konseho Insular, konseheronan i maneho di Entidat Públiko Saba, e departamento di desaroyo komunitario, Saba Cares,

The delegation, headed by former Bonaire Is-

land Body, Mind & Spirit (BMS), Polis i Saba Comprehensive School (SCS), tokante e legalisashon anti diskriminatorio ku ta considerando pa e islanan.

Meta di e tres dia di bishita tabata pa interkambiá di bista tokante diskriminashon den e komunidad i e manera riba kua e lega-

lisashon akí por yuda remediá tratamentu desigual riba e isla. Ki tipo di asuntunan di diskriminashon tin, kiko ta e nesesidatnan i kon nos por usa solushonnan korekto huntu,” Thodé a bisa, kende a mensioná tambe ku ta considerando institushon di un punto di notifikashon pa víktimanan

di diskriminashon. “Tambe nos a papia tokante pa e instituto di derecho humano hulandes atendé huisianan legal i kasonan di trato igual riba e islanan. E instituto ya ta hasiendo esaki na Hulanda, pero nunca a risibí e mandato pa hasi esaki riba e islanan,” Suzanne Vogel-Koelman di BZK, a bisa.



ARUBA

Casi 15% trahado ta gana menos cu salario minimo

ORANJESTAD -- Aumento di salario minimo ta manera core den un círculo vicioso. Minister di Labor Glenbert Croes den Parlamento siman pasa a bisa cu siguransa cu ta bay aumenta salario minimo, aunke cu e conseho di Sociaal Economische Raad no ta cla ainda. Ley ta bisa cu tur aña prome cu cambio di aña mester dicidi si ta aumenta salario minimo entrante prome di januari. Pero esaki ta algo cu mester bay cu conseho di Sociaal Economische Raad.

Aña pasa, a pesar di e situacion reinante SER a conclui cu no ta cumpli cu e exigencia di ley pa duna un conseho positivo. A tuma e decision aki a base di articulo 13, inciso 1. A base di esaki a haci un evaluacion y a constata cu e CPI di augustus, 2022 ta mas halto cu e CPI di 2021, cu ta e base pa duna un aumento of no.

Tin dos componente di cual un ta e end of period (pa luna) of e period average (cu ta di henter aña) y esaki ta 4.3%. E end of period (7.7%) ta esun cu mester indica si e salario mester aumenta of no. Y e resultado ta cu e no cumpli cu e exigencia pa wordo aumentado. Tambe a haci un intento pa hisa e salario memey di aña basa riba e situacion reinante di prijsnan halto.

Pero atrobe na e mesun formula, SER a bisa cu no ta cumpli cu e requisito di ley di salario minimo pa aumenta esaki. SER na juli a bisa cu perdida di poder di compra door di inflacion debi na aumento di prijsnan, no ta algo cu legalmente ta pone e obligacion pa duna un prima di compensacion pa esaki, manera describi den articulon 13 inciso 3 di Memorie van Toelichting di Landverordening minimumloon.



Pa e motibo aki SER tabata di opinion cu e perdida di poder di compra a causa di efectonan inflatorio no por wordo mira como circunstancianan special den sentido di articulo 13 inciso 3 di ley di salario minimo, cu lo a haci necesario pa aproba un aumento di salario minimo memey di aña. Dia 10 di november ultimo Minister di Labor a manda pidi un conseho atrobe na SER pa aumenta e salario minimo entrante prome di januari awo. E conseho aki mester ta cla pa awe.

Hecho ta, cu e formula manera poni den ley no ta

realistico. SER a conseha Gobierno pa cambia e sistema pa no uza e end of periodo pasobra e no ta corecto. E ta mas bien un moment opname. E miho formular ta pa uza e informacion di henter aña.

Minister Croes a expresa su preocupacion riba implementacion di salario minimo di un forma cu e por mehora e poder di compra. Esaki pasobra si aument'e e comerciantenan ta bay aumenta prijs pa absorba e gastonan. Consecuentemente esaki por bolbe causa inflacion.

“Aumento di salario minimo ta na su luga pero ta warda riba SER. Ya anja pasa caba a sigui conseho di SER pa no aumenta esaki. Pero economia ta mejorando y mi ta kere cu mester aumente. Pero nos ta warda riba conseho di SER.”

Na final e mandatario a bisa atrobe cu “salario

minimo lo wordo aumentado.” Y entrante prome di januari 2024 ta switch pa uurloon pasobra aworaki e salario minimo pa 40 of 45 ora ta mescos. Den e mesun reunion aki a bini dilanti cu e bestaansminimum pa un hende, calcula door di Oficina Central di Estadística, ta bisa cu e ta 2500. Un diferencia grandi cu e salario minimo. Pero tambe ta preocupante si scucha cu cifranan disponibel ta indica cu 14.7% di empleadonan (casi 15%) ainda tin un salario menor cu salario minimo.

Entre esaki tin esnan cu ta traha via agencianan cu compania ta paga salario minimo pero e agencia ta kita su comision. Y banda di esaki tin datonan ta muestra cu 62.2% di esnan den e mercado laboral ta gana menos cu 3 mil florin. Pues cifranan preocupante den e situacion actual.

Entrada hudicial na Madiki

ORANJESTAD -- En conexion cu un investigacion andando Project Team Drugspanen a haci entrada hudicial na un apartamento na Caya Frere Arnold. A detene 1 hende homber di inicialnan C.C.C.M. naci na Colombia di 28 aña di edad pa bendemento di droga.

Durante razzia a confiscar un cantidad di droga

(Base). A haci uzo di arrestatie team pa detene e sospechoso aki. Project Team Drugspanen a wordo asisti pa Atracoteam tambe diferente recherche y K9 Unit.

Project Team Drugspanen ta un team cu a wordo lanta pa entre otro pa investiga bendemento di droga for di un parcela y ariba caya. Pa Cuerpo Poli-

cial por resolve mas caso cooperacion y informacion di pueblo di Aruba ta hopi importante, p'esey nos ta pidi si bo tin cualkier informacion yama nos tiplijn di Polis cu ta: 11141.

Nos ta garantisar cu bo ta keda anonimo pa bendemento di droga.



Adicto Flint a ataca persona

ORANJESTAD -- Diahuebs den careda di 12'or y 45, presencia di polis a wordo pidi cu urgencia den Emanstraat pa motibo cu un persona lo a wordo ataca door di e conocido adicto ambulante Flint y cu Flint lo a bandona e sitio cu tur pertenencia di e persona.

Na yegada polis a papia cu e persona y a bin compronde cu segun e

persona nan lo tabata hungando un wega di carta y ora e lo a gana Flint, Flint a bira onsportief, despues di a dal e persona, Flint a pasa man pa e celular di e persona y a bay for di e sitio.

Polis a tuma declaracion di e persona y despues a bandona e sitio pa asina busca e adicto ambulante Flint.



Gastu di personal a baha

ORANJESTAD -- Durante su disertacion den e reunion publico den Parlamento pa trata Presupuesto 2023, Prome Minister Evelyn Wever-Croes a ricibi y contesta detayadamente varios pregunta cu tin di haber cu su ministerio. For di Parlamentarionan Mansur, Lopez-Tromp y Gun, Prome Minister a ricibi pregunta tocantenan personal especificamente tocante e vacaturanan cu no a wordo ocupa y e efectonan cu esaki tawata tin den trabounan diario.

Na aña 2018, Gobierno a introduci Beleidsplan

verlaging personeelskosten (BVP) na cua Gabinete Wever-Croes I y II a tene su mes estrictamente na dje. Apesar cu no ta facil, Gobierno ta cumpli cu e plan di maneho aki. Oposicion constantemente ta cuestiona si Gobierno ta cumpli cu e plan di maneho aki of no.

Prome Minister den varios ocasion a indica cu prueba cu Gobierno ta cumpli cu e plan aki desde 2018 y a bin ta baha gastu y no a tuma mas hende den servicio. Oposicion sinembargo no ta contento cu esaki y awo kier sa si e plan di maneho aki tin efectonan



negativo cu ne.

Prome Minister a remarca cu apesar cu no ta facil pa cumpli cu e plan di maneho aki awo, pa otro aña ta spera cu cos lo ta miho y lo por cuminsa yena e vacaturanan.

Pa 2022, Ministerio di Asuntonan General no a presupuesta tampoco a tuma ningun persona nobo den servicio. Esaki no por tampoco, Prome Minister a enfatisa pasobra nan lo wordo kita di for di presupuesto segun e palabracionnan haci.

Pa loko ta trata gastonan di personal, Prome Minister a duna di conoce cu ora cu a introduci e BVP na 2018, e gastonan di personal tawata 476 miyon florin. Den Presupuesto 2023, gastonan di personal ta na 459 miyon florin. Claramente por mira cu den e periodo aki,

e gastonan di personal a baha considerablemente, cu 17 miyon florin y asina a cumpli cu e Beleidsplan verlaging personeelskosten. Aki tambe, CAft a duna Gobierno razon.

Pero no solamente e gastonan a baha, pero e cantidad di persona den servicio di Gobierno tambe a baha desde cu a cuminsa cu e BVP na aña 2018 pa aña 2021, cu 351 FTE (Voltijds Equivalenten werknemers). Esakinan ta personanan cu no ta den servicio di Gobierno mas, sea nan a retira of a tuma vut entre otro, y no a wordo reemplasa.

Evelyn Wever sincu aña prome minister

ORANJESTAD -- Partido MEP ta felicita Prome Minister sra. mr. Evelyn Wever-Croes cu su 5 aña como e prome Minister President femenino di nos pais. Dia 17 di November di aña 2017, sra. mr. Evelyn Wever-Croes a hura-menta como e mandatario maximo di nos pais. Un momento historico pa nos na Aruba pasobra esaki ta e prome biaha cu nos pueblo a deposita confiansa maximo cu e rumbo di nos pais den un lider femenino.

Un funcion cu sin duda, nos Lider y Prome Minister a eherce cu fe, determinacion y curashi desde e prome dia di gobernacion. Un mandatario cu a muestra cu goberna den tempo dificil ta posibel apesar di retonan fuerte y un pandemia cu a kibra nos pais. Sinembargo, cu e mesun determinacion y amor di semper pa nos pueblo, Prome Minister a traha mas duro ainda na bienestar di nos tur y pa recuperacion di Aruba.

Dia 30 di October, sra.

mr. Evelyn Wever-Croes un biaha mas a wordo aclama como Lider di Partido MEP pa e siguiente periodo, haciendo esaki e di 3 biaha cu sra. mr. Evelyn Wever-Croes ta wordo elegi/ reelegi como Lider di Partido MEP y un periodo di 12 aña cu e ta fungiendo den e encargo aki.

Despues di eleccion 2017, sra. mr. Evelyn Wever-Croes a bira e prome Minister President femenino di Aruba. Den e prome periodo di Gobierno di MEP, a logra cosnan grandi pa Aruba, ta p'esei, na aña 2021, MEP a gana eleccion y pueblo a expresa e gratitud den e votonan haciendo Premier Evelyn Wever - Croes e prome votegetter femenino di Aruba.

Y asina, señora mr. Evelyn Wever-Croes, cu un vision determina, a bira e prome lider femenino di MEP. E prome Minister President femenino di Aruba. E prome votegetter femenino di Aruba den eleccion 2021, sirbiendo Aruba

den su di dos termino y cu fe y determinacion pa sigui traha pa nos pueblo.

Partido MEP ta felicita Lider di MEP, mr. Evelyn Wever-Croes pa e 5 aña-

an aki sirbiendo pueblo di Aruba pero mas ainda, den nomber di henter Aruba, Partido MEP ta gradici Lider di MEP y Prome Minister di nos pais, sra. mr. Evelyn

Wever-Croes, pa tur trabou duro y incansabel cu el a haci, ta haciendo y lo haci pa e progreso di nos dushi pueblo.



DEPORTE

Flamingo United Girls 2-0 riba Red Diamonds

KRALENDIJK--E ekipo di futbòl femenino di Nikiboko ku ta Flamingo United Girls, djaweps último den oranan di anochi, pa ta mas eksakto 8or anochi den partido na Felt Elion Flores na Amboina, a gana



di Vespo Red Diamonds di Rincon ku skor di 2-0.

Ku e resultado aki Flamingo United Girls ta invikto ku 2 partido ganá 0 pèrdí.

E partido aki tabata e di dos partido di kampionato 2022 di futbòl femenino di nos isla, por sierto e promé kampionato di futbòl femenino di FFB Boneiru.

Lema di e kampionato femenino aki ta “Nos Tambe Por”.

Pa loke ta e partido riba su mes, e ekiponan a sali buta preshon riba e arkonan pero gol no kier a kai.

E partido ta parti na dos

pa sosiegu reglamentario sin gol, empatá 0-0 pues.

Tabata e di dos mitar di e partido, ku Hilda Loguis a anotá su promé gol di e partido pa medio di pinalti, esaki pa Flamingo United Girls bai den bentaha di 1-0.

E ekiponan a sigui buta preshon, ku un Red diamonds atras 1-0 buskando e gol di empate.

Tabata e mésun hungadó Hilda Logijs, ku ta anotá e di dos gol di e partido pa Flamingo United Girls bai den bentaha di 2-0 den e partido.

Despues di esaki taba-

tin diferente atakenan mas pero sin resultado, e partido ta finalisá den viktoria di 2-0 pa Flamingo United Girls. Ku e resultado aki

Flamingo United Girls ta invikto ku 2 partido ganá 0 pèrdí den e kampionato.

Riba potrèt outor di e golnan di e partido.



INDEBON a kuminsa ku deporte pa mucha



The Untouchable a kibra invikto Azteca

KRALENDIJK--E derota aki.

tim biliart bola-8 di Antriòl Pariba ku ta The Untouchable djaweps último, a kibra invikto di Azteca 5-1 den kontinuashon di kampionato biliart Bola-8 di nos isla. Tabata un partido ku a konosé dos 7-bola di kua unu kada banda.

Pa loke ta e sètnan di e partido, The Untouchable a sali bai dilanti 4-0 pa despues Azteca reakshoná i gana unu pa kòrta bentaha na 1-4.

Esaki tabata tur kos tambe pa Azteca i e partido, ya ku despues di esaki The Untouchable ta gana un mas i bai ku e viktoria di 5-1 riba Azteca ku ta pèrdè su invikto ku e

Sètnan di e partido.

The Untouchable – Azteca 5-1.

David Zhen – Garino Molina 2-0 ku un 7bola.

Gabriël Alberto – Charles Vos 2-0.

Chal Thomas – Javier Sof 2-1.

Lòn Zhen – C. Saragoza 2-1.

H. Duran – J. Josephia 1-2 ku un 7bola.

Ch. Janzen – A. Mercera 2-0.

Èksito na e ekiponan den e kampionato ku despues di e partido aki, ta sigui otro siman djamars ku e partido entre e ekiponan, The Untouchables i La Tropicana.



E siman aki a start ku training i kompetensia di vòlibòl, dam i ahedres. Trainer i coach di INDEBON ta kontentu ku e interes ku tin bou di e muchanan di skol pa e deportenan akí. Na Kompleho Deportivo Jorge Nicolaas s atart ku vòlibòl, ahedres na Sentro di Bario Amboina i dam na Clup Soho. Mayornan sigui motivá i hiba e muchanan na e práktikanan akí despues di skol.

DEPORTE

Inougurashon Dojo George Kroon

K R A L E N D I J K - Djaweps último den oranan di atardi, pa ta mas eksakto 5or atardi, tabatin desvelo di nòmber i inougurashon di Dojo Theodorus Jozef “George” Kroon na Rincon Pariba/Nort, unda ku diputado di deporte sr. James Kroon i sra. Serfilia Janga, a hasi e desvelo di e bòrchi ku e nòmber di e Doyo.

Promé ku esei tabatin e diferente diskursonan pa finalmente hasi e desvelo di

e nòmber.

Esaki a tuma lugá netamente riba dia tambe ku Sensei sr. George Kroon a kumpli 80 aña.

Despues di e desvelo di e bòrchi ku nòmber di Sensei George Kroon, a sigui un bríndis pa despues e famia di Sr. George Kroon, amigunan i konosinan a sali pa Misa di Rincon, esaki pa Santu Sakrifisio di Misa pa pidi Bon Dios Su Bendishon pa sr. George Kroon pa hopi aña mas di bida

huntu ku su famia.

Despues di Misa tabatin e selebrashon di 80 aña di George huntu ku su famia i invitadonan na Dojo Sensei George Kroon.

Sr. George Kroon fo’i na momentu ku e la yega Boneiru fo’i Kòrsou, a lanta e klup yudo di Rincon pa kua e la hasi hopi pa e klup.

Hopi tambe tabata e hóbennan ku a pasa den e klup di yudo di Rincon i ku asta awe tin di nan ku ta Sensei den e deporte aki di

yudo.

Hopi bon trabou por sièrto ku awe nan tin nan mes kas di klup ku no solamente ta keda usá pa treinennan i kompetensianan di yudo, sino tambe ta sirbi komo sala di gym.

Sigur un bon trabou di sr. George Kroon ku awe Rincon Judo Club tin su

propio kluphùis bou di e nòmber Dojo Theodorus Jozef “George” Kroon.

Masha masha pabien ku e logronan aki di e klup di yudo di Rincon.

Riba potrètnan algun bista di desvelo i inougurashon di e kluphùis kombiná ku selebrashon 80 aña Sensei George Kroon.



Dia di hende hòmbèr

Awe riba dia di hende hòmbèr, BONERIANO ta para ketu riba e hende hòmbèrnan ku ta laborá serka nos. Ta trata aki di Fittipaldi Pietersz, Armand 'Papi' Antoin, Magno 'Ibi' Piar i Franklin 'Bòl' Antoin. Meskos ku ta pone atenshon riba dia di hende muhé i esaki su importansia den komunidad, ta na su lugá pa riba fecha di awe duna e mesun atenshon na e hende hòmbèr. Hubert 'Ibi' Evertsz i Cliff Frans tambe por sierto ta duna su kontribushon na nos korant.



TE KU 70% OFF*

FIN DI AÑA

UP TO 70% OFF*



HP WIRELESS
PRINTER

\$75

HOT
price



WIRELESS
SECURITY
SYSTEM

**25%
OFF**

REDUCED PRICE
\$150



BLACK GLASS
L-SHAPED DESK

\$169

15.6" HP LAPTOP

\$495

OFFICIAL
STORE 

**super
special**



*riba artíkulonnan selektá

City Shop

Smart shopping ► Better living



Kaya International #36



+599 717.36.66



www.cityshopbonaire.com



info@cityshopbonaire.com



City Shop Bonaire



+599 700.64.42